

成都龍興觀卽後周至真觀也基址廣袤四面通街大殿講堂  
玉華宮碑碣皆在有王峯者事潁川王於小蠻坊創置私第以  
基地卑濕乃使力役者斲觀門土牆及廣掘觀地取土數千車  
築基址土木未畢已數口凋亡一旦自衙歸宅於其門外見二  
黃衣人曰爲觀中取土事要有對勘應答之間下馬而卒其觀  
內有鐘樓曰靈響臺有門樓宏壯制度精巧節度使吳行魯奏  
移門樓於天王寺折其鐘樓遺蹤勝賞併爲毀蕩矣頃年駕在  
蜀明道大師尹嗣玄云行魯之吏因疾入冥數日復活言見行  
魯爲鬼吏所驅般運龍興材木鐵鎖繫械晝夜不休木纒積塚  
又卻飛去如是捷運不知何年當得息爾欲求子孫爲立觀門  
道藏輯要

雲笈七籤  
十三

八

井集六  
×上三

贖其罪子孫貧窘固不及爾

### 劉將軍取東明觀土修宅驗

劉將軍者隸職右神策軍居近東明觀大修第宅於觀內取土  
築基脫擊計數千車功用旣畢劉忽得疾沈絛旬日稍較忽如  
風狂於其階庭之中攫土穴地指爪流血而終不已骨肉抹救  
之似稍歇定又須匍匐穴土似有驅迫之者時聞爲物捶擊痛  
楚之聲但流淚嗚咽而已問之竟無所答日又沈困垂命巫醫  
殫術略無徵應偶召瞽者筮云求道法救之劉素不信道未嘗  
有道士過其家妻子旣切因詣金仙觀請符理之置符於牀前  
又焚數道和水飲之劉乃言曰我以無知犯暴道法取東明觀

土修築私舍地司已奏天曹罰令運土填陪不知車數計我獨力般運三二百年恐未可足稍或遲怠冥官考責鞭打極嚴卒無解免之日言訖嗚咽號叫若有所訴一家聞之俱爲嗟痛其妻子就東明大殿上焚香祈乞續買淨土五千車填送所穿坑處設齋告謝求賜寬赦疾乃稍定一日又自言曰天符有勅穿掘觀土修築私家雖已陪填尙未塞責有十二年祿命並宜削奪所連累子孫卽可原赦是夕遂死余按道科凡故意凌毀大道及福地靈壇殃流三世今劉生以陪填首謝罪止一身得不爲戒爾

南康王夢二神人告以將富貴驗

道藏輯要

雲笈七籤  
十三

九

井集六  
×上川

南康王太尉中書令韋公皋爲成都尹相國張公之愛婿而量深器大舉止簡傲不狎於俗張家奕世相家德望清貴張族皆輕侮於韋以此見薄亦未之悟也忽夢二神人謂之曰天下諸化領世人名籍吾子名係葛瓚祿食全蜀富貴將及何自滯耶勉哉行矣異日當富貴無以葛瓚爲忘也由是韋有干祿之志謀於其室室家復勉勵之以粧奩數十萬金資其行計旣達秦川屬歲饑久雨因知友所聘署隴州軍事判官俄而駕出奉天郡守奔難行在皋率土客甲士饋輓軍儲以申扈衛以功就拜防禦使復請赴覲行朝德宗望而器之旣平寇難大駕還京以功檢校右僕射鳳翔節度使懇讓乞改西川乃授西川節度與